

Բարձր Հայքը եւ առահասարակ Հայկական Միջնաշխարհը մի դաշլի չափով թափուր էին դարձել իրենց բնիկ տարրից ու հեծում էին մահմեդական լուծի տակ, ահա այդ ժամանակ՝ Հիւսիսային Հայաստանում եւ յատկապէս Տաշիրքում եւ ի մասնաւորի Հաղրատ ու Սանահին մտաւորական կենդրոններում, վառ էր պահուած հայ հոգին եւ հայ սիրտը, հայ ազգային դիմազիծը:

Յայտնի է պատմութիւնից, թէ ինչպէս այդ ժամանակները նոյն այդ մշակութային կենդրոններում հաստատուած հայ ուսումնականները, «արեւելեան հայոց» այդ մտաւորական ներկայացուցիչները յաճախակի իրենց գրութիւններով յանուն կիլիկեան կամ «արեւմտեան հայոց» (այս արտայայտութիւնները այն ժամանակից են դալիս) զպատուութեան եւ շրջահայեցութեան էին հրաւիրում, զգուշացնում էին նրանց, չլինի՞ թէ ընկնեն լատիններէ լարած որողայթների մէջ, հրաժարուին նախնեաց աւանդութիւններից եւ սեփական դիմազծից, զիւրաւ կուր դառնան մարդորաների:

Յայտնի է արդէն, որ շատ վաղուց, դեռ այն դարերից են սկսել Եւրոպայից եկած հոգեւոր եւ աշխարհական մարդորաները «առատ հոնձք» որոնել հայ իրականութեան մէջ: Եթէ չլինէր «արեւելեան հայոց» ուժգին հակազդեցութիւնը այն ժամանակ, թերեւ շատ բան այլ կերպ տեղի ունենար: Եթէ չլինէին մեր միջնադարի մշակութային այդ կենդրոնները, թերեւ մեր անցեալից եկող պատմական եւ գիտական մի շարք աշխատութիւններ ժառանգութիւն մնացած չլինէին մեզ: Եթէ, վերջապէս, չլինէին նոյն այդ մենաստանները իրենց «գրիչներով», այսինքն՝ ձեռագիրներ արտադրող եւ նկարազարդող քրտնաջան աշխատաւորներով ու արուեստագէտներով, անշուշտ շատ բան կորցրած պիտի լինէր հայ մշակոյթի պատմութիւնը: (Սայաթ-Նովան եւս վերջը վանական դարձաւ այնտեղ):

Վերջապէս, Հաղրատ եւ Սանահին վանքերը իրենց պարիսպներից ներս դեռ մինչեւ այսօր էլ պահում եւ պահպանում են շիրիմները հայ միջնադարի մի շարք ականաւոր գործիչներէ — գամբարանները այս եւ այն թա-

ղաւորի ու իշխանի, հոգեւորականի եւ ուսումնականի: Սանահինից վար, Չորաղեալի վրայ, մինչեւ օրս էլ կանգուն է մնում վանքի պատմական կամուրջը, ծանօթ՝ «Աւագ կամուրջ» անունով, որ դեռ 13-րդ դարում շինել է տուել Լոռիի Կորիկեան Աբաս Բ. թաղաւորի կին եւ Չաքարէ ու Իվանէ սպասաւարների քոյր նանան:

Հաղրատ եւ Սանահին վանքերը — Լոռիում կան նաեւ ուրիշները, — որոնք իրարուց ընդամէնը հինգ քիլոմետր հեռաւորութեան վրայ են գտնուում եւ այսօր էլ կանգուն են ու գրեթէ անվթար, հանդիսանում են մի-մի հոյակապ կոթող հայ ճարտարապետութեան: Այդ տեսակէտից՝ Հաղրատ գերազանցում է կից դարաւանդի վրայ բազմած Սանահին: Նրանց երկուսի դիմացը, ոչ շատ հեռու, դրանք է պատմական Օձուն (այժմ՝ Ուզունլար) գիւղը, հայրենի աւանը Յովհան Օձնեցի կամ Իմաստասէր կաթողիկոսի, որ միջնադարի հայ մտանազրութեան եւ իմաստասիրական գիտութեան ամենէն փայլուն ներկայացուցիչներից մէկն էր: Նոյն այդ գիւղում է գտնուում ու մինչեւ օրս էլ կանգուն է Օձնեցի անունը կրող մի հոյակապ եկեղեցի, — մէկը հայ ճարտարապետութեան կոթողներից, որոնցով այնչափ հարուստ է Լոռին, սրտամական Տաշիրքը:

Բայց Լոռին հանդիսացել է ժամանակին որպէս կենդրոն ոչ միայն հայ մշակոյթի, բնագործակ առումով, այլ եւ՝ մէկ կենդրոնը ժամանակի հայ քաղաքական կազմակերպութեան, մէկ աւանդապահ հայ պեռականութեան զաղափարի: Տաշիրքում էր հիմնուել մեր պատմութեան մէջ ծանօթ տեղական թագաւորութիւններից (Արժրունեաց, Վանանդի եւայլն) մէկը, այսպէս կոչուած Կորիկեան քաղաւորութիւնը:

Այժմեան Ստեփանաւան (Չալալ-Օղլի) գիւղաքաղաքից ընդամէնը հինգ քիլոմետրի վրայ գտնուում Բերդ գիւղը — (Լոռի բերդը), մի դարաւանդի վրայ: Ներկայիս այդ անունը գիւղը յայտնի բերդաքաղաք է եղած անցեալում: Բերդը այժմ էլ կայ, միայն թէ կիսաւեր վիճակի մէջ: Շատ անառիկ տեղ է շինուած երեք կողմից շրջապատուած է խոր ձո-